



Diario



pa Aruba

Instala Airecon-
dicionado na bo
cas AWOR!

Tel. 2170

Nr. 3693

DIAMARS 22 DI MAART 1960

ANJA 21

CRITICA DI RUSIA CONTRA MERCA

Ginebra, 21 maart — Rusia a critica e intencion di Merca pa explota un aparato atomico bou di tera na januari 1961.

E delegado ruso na e conferencia pa suspension di experimentonan atomico na Ginebra, Tsarapkin, a bisa cu e noticia cu Merca lo haci e experimento, tabata "masha desanimador", asina circulan rond e conferencia ta bisa. Pero su observacionnan tabata moderado, en comparacion cu e ataquenan anterior di Rusia riba Merca, Tsarapkin a bisa, cu nan no

a yega na un acuerdo tocante e articulo den e pacto propo, tocante explosionnan pa motibonan pacifico. El a expresa su speranza, cu dia cu Merca kier haci e experimento, lo tin un pacto entre este y oeste.

E mericano James Wadsworth a priminti, cu e explosion lo ta en acuerdo cu e stipulacionnan cu lo worde inclui den e pacto. Tur informacion cu e explosion duna, lo worde buta na disposicion di tur pais interesa. Cientificonan di cualquier pais, cu kier atende e experimento, ta bonbini, asina Wadsworth a bisa.

ESTUDIO DI E PLAN NOBO DI RUSIA

WASHINGTON, 21 mrt. — Presidente Eisenhower y e ministro d asuntonan exterior di Merca, Herter, a discuti awe e plan ruso nobo pa prohibi experimentonan atomico.

E portavoz di Casa Blanca a declara, cu actualmente gobierno Norte americano ta studia e plan ruso "seriamente".

E discusion entre Eisenhower y Herter a dura un hora; nan a discuti entre otros tambe e problema di Canal di Panama.

E discusion di problema di Canal di Panama a worde atende tambe pa e subsecretario di Estado pa Asuntonan Politico, Livingston Merchant, y e secretario pa chercito, Wilher Brucker.

cion aki no ta presenta un hecho pa cual por duna castigo.

Como cu e lesamentu di carta den Eilandsraad algun tempu pasa a causa tantu senacion, e informacion aki ta worde publica na beneficio general.

PORFIRIO CROES LIBER 'TROBE

Million Dollar Question na Aruba: Croes lo ser persigui pa ley sinembargo!


ORANJESTAD — Exactamente un luna despues di su detencion Porfirio Croes lider di e fraccion di PDC den eilandsraad di Aruba a hanja su libertad ajera mainta. E tabata balente, luciendo bon. Den oranan di atardi e tabata entre su famia cu tabata altamente contentu. Hopi di su amigonan a bin felicitele na cas.

"Nan no por krak mi asina facil", e ta declara sonriendo. Senor Croes no ta desea di duna ningun comentario por lo pronto pa motibu cu e decision di Corte no a wordo ricibi ainda y como cu su abogado mr. P.P.C.H. van der Voort no ta na Aruba actualmente.

E "million dollar question" na Aruba actualmente ta: Corte di Husticia lo a nenga di dicta auto di procesamentu contra senor Croes of tal vez senor Croes lo ser persigui toch ainda pa ley.

Segun un informacion di RVD orden a worde duna pa decision di dia 21 di maart 1960 di corte di husticia, pa duna Porfirio Croes su libertad inmediatamente.

Aunke cu e corte ta di opinion, cu tin suficiente indicacion cu e carta ta falsu, esta falsifica, y cu e acusado a culpable di falsedad, e falsifica-



Siman pasa Prins Bernhard a hasi un bishita na e exposicion di HISWA den edificio di RAI den seccion di deporte acuatico. Prins tabatin e.o. masha interes pa un raceboat italiano Riva cu por desarrola un velocidad di 70 km pa ora

Venta record durante '59 di Reynolds Tobacco Co

ORANJESTAD — Segun nos a worde informa di parti di N. V. Winkels Handel Maatschappij na Oranjestad, R. J. Reynolds Tobacco Co. durante anja 1959 a establece un record nobo den industria di tabaco pa di tres anja consecutivo, cu un venta di mas di un miliard dollar, mientras cu ademas e ganashi liquido a alcanza top pa di seis anja consecutivo.

Den anja transcuri evolucionnan di e empresa monea a aumenta cu 12.2 porciento y esaki a alcanza \$ 1.286.855.943, segun e relato anual cu a worde suministra pa Bowman Gray, presidente di consejo di comisionario y senor E. C. Carter, presidente di e empresa.

E record di 1958 tabata \$ 1.146.558.976. E ganashi liquido a aumenta durante 1959 cu 15.4 porciento y a monta \$ 90.357.655 comparado cu \$ 78.326.190 durante 1958.

E ganashi di '59 ta total cu \$ 4.45 pa accion riba 20.000.000 accionnan comun (cu tabata \$ 3.80 durante 1958). E distribucion di dividendo na un total di \$ 43.280.436 tabata di mas haltu den e record continuo di distribucion di dividendo di empresa desde 1900.

Den informacion huntu cu e relato anual ta worde menciona cu Camel a logra mantene su posicion di e cigaria mas bandi den e pais. Venta di marca di cigaria aki a aumenta durante 1959 al contrario di e tendencia cu a worde spera pa e cigarianan di e spito aki durante anja pasa. Winston, e cigaria filtertip mas bandi a aumenta su venta y segun nan ta di tres cigaria cu ta mas huntu na Estados Unidos. Ben-ta di Salem, e cigaria di menthol mas

pidi, a aumenta mas tanto durante anja pasa for di tempo, cu na a trece e marca aki riba plaza na anja 1956. Reynolds ta calcula cu mas di mitar di e cigarianan cu ta worde huma actualmente ta cigarianan filtertip.

Pa mehoracion di facilidatnan di fabrikacion y depositacion pa tabaco durante ultimo tres anja a worde gasta mas di \$ 73.349.640. Durante 1960, mescos cu 1959, lo worde gasta segun ta worde calcula mas o menos \$ 25 1/2 milion pa mehoracionnan tecnico y construcion di fabrikacion nobo. E plannan pa un fabrika nobo di cigaria, cual segun planan original lo costa \$ 20 million, lo worde revisa afu pa hasi e capacidad dobel mas grandi. Pa e extension aki sinembargo mescos cu \$ 10 million ta necesario.

SESION DI E.C.A.F.E. A TERMINA AWE

BANGKOK, 21 mrt. — E di 16 sesion di comision economico pa Asia y Le-bano Oriente (E.C.A.F.E.) cu a cuminsa dia 9 di febre na Bangkok, a termina awe.

Durante e sesion final e delegadonan a aproba unanimamente e rapport anual. Na e sesion aki nan a investiga e fuertenan economico y natural di recurso na e region ey.

QUINTA ASAMBLEA DI DESARME A TUMA LUGAR AWE

GINEBRA, 21 maart — E quinta asamblea di conferencia di desarme di 10 paisnan a tuma lugar awe den e Palacio di Naciones, bao di presidencia di delegado frances Jules Moch, asina a worde garantia den un comunicado, cu a worde duna na prensa despues di e asamblea.

E siguiente reunion lo tuma lugar majan.

MATA OCHO!



Dennis Whitney, 17, cu e mirada di "hasi loke boso kier numan", durante su interrogacion na Miami Florida, den e caso cu e la mata tres hende den e barrio ei. E hoben di North Hollywood, California ta admiti di a mata 5 otro persona mas tambe.

Nivada
Compensamatic

- Shockproof
- Antimagnetic
- Waterproof

SPRITZER * FUHRMANN

CURACAO
ARUBA

Den sala di raad na Aruba

Periodista sentencia pa boet di fl. 25.-

ORANJESTAD — E periodista G. J.S. redactor di un noticiero cu ta sal irregular na Aruba, den un edicion di augustus 1959 a skirbi un remitido contra J.L.H. di douana, cual ultimo a tuma como ofensa.

Despues cu acusado a declara cu publicando e articulo ei el a opina di sirbi e interes general, y e douana a duna claramente di conoce cuanto e articulo a ofende, fiscal ta hanja "eenvoudige belediging" comproba. Objectivamente mira e ta hanja henter e articulo insultante. Fiscal ta bisa cu critica ta bon, mientras cu esaki ta worde duna cu conciencia y e decencia. Cu e articulo a worde publico, "fuera responsabilidad di redaccion" segun fiscal no ta kita e responsabilidad di e contenido di articulo.

E demanda tabata f 50.— boet. Acusado S. mes a dirigi su defensa den cual entre otro e ta trece pa dilanti cu e reglamento di delito di prenta ta di tal manera, cu mester worde ucepta, cu na prome lugar ta responsabel e autor di e remitido y despues e impresor o e editor. Responsabilidad di e redactor ta keda pa articulo-nan cu e mes skirbi of di cual e ta keda responsabel. Local ta articulo-nan publica sin menciona origen di articulo of publicacion di remitidonan

cu e mes ta edita of a tuma responsabilidad di nan.

Huez ta hanja e acusacion comproba, pa motibu cu acusado di antemano tabata na altura di contenido y pa motibu cu e articulo tabata referi evidentemente na e persona cu a munda e caso aden. Huez ta bisa cu critica ta insultante ora cu e forma den cual e ta worde hasi no ta correcto. Local segun su opinion ta e caso den e demanda aki.

E argumento cu acusado a hini cu ne "di ta sirbi interes general" no ta batin nada di hasi cu e asunto, pa motibu cu e no a worde acusa pa "smaad" of "Smaadschrift" asina cu e interes general no tin nada di hasi den e asunto aki. E defensa cu e articulo ta un "remitido" ta hini mr. Bondam lanja e observacion, cu e publicacion di articulo-nan bou "fuera responsabilidad di redaccion" no ta libra e redactor di castigo penal. Como cu e "remitido" en koston ademas tabata anoniem, e responsabilidad di e acusado ta worde aumenta mas ainda. Tumando na consideracion cu e insulto riba su mes no ta tuntu "grave" asina, y cu acusado S. su strafkaart ta blanco, el a worde sentencia pa un boet di f 25.—

Di sala di raad mes acusado a camna

hai derechito pa griffie, na unda inmediatamente el a firma un apelacion contra e sentencia aki.

Insulto

Un danista anciano J.E.K. dia 4 di december anja pasa den Lago Commissary a insulta e jonceman C.K. entre otro pa ladron y pa asesino. E insulto ta worde confirma pa e testigonan C.S. C.K. y R.P.D. Demanda di mr. Fliet tabata fl. 40.— di boet.

Abogado mr. Sijem Fat ta declara cu e caso imposibel por tabata "sina, ta posibel cu su cliente por a zundra un poco. Tambe e ta mustra riba e pleitu cu tabata existi hopi anja eaba entre e gruponan aki di e dos partido. Ademas e abogado ta menciona e sra. K. como consecuencia di pleitunan aki a jega na rand di miseria eaba.

Huez pa un gran parti ta di acuerdo cu e abogado, y ta hanja en e pleitunan aki mester eaba awor pa semper y tres dia di cual un luna ta condicional.

Amiga maltrata

P.J.L. un homber robusto dia 2 di december a maltrata sra. M.R. mami di su jiuana. Durante cu nan a pega un pleitu e la kita su sapatu y bati Maria cu e hilehi riba su cahez. "Bajo", fiscal ta bisa. Segun e demanda contra L. e la worde sentencia pa un luna di prison y tres dia di cual un luna ta condicional. E sapatu lo ser destrui.

Mas insulta

M.A. un dama di 47 anja mester a presenta dilanti di huez pa motibu cu e la insulta un otro dama. Nerviosamente e la duna su declaracionnan y despues ta trata na seucha kiko e fiscal ta bisa, kende e no ta comprende. Ora cu e toik Van Meeteren ta bisele cu fiscal ta de-

manda un boet di fl. 25.— contra dje, e ta cuminsa huri alivia. E ora ei huez y fiscal tambe ta cuminsa huri y e sentencia hasta a baba un poco, e la bira fl. 15.—

Hinka di punjal

C.D. un tercio largu y flacu, kende 65 anja largu no a comete ningun delito serio durante un diadomingo a sima beke algun liter di rom. Na cierto momento e ta hanja pleitu cu un tal R.D. tocante un muher cu jama Maria. E otro a rabia y dal e anciano un bofet. E bien riba esaki ta saca su punjal y ta duna su adversario un hinka den su petu bon di su ribchinan na robez. "Si bo a munda bo punjal un poco mas hundu lo bo a ucha su curazon", asina huez ta bisa. E otro ta defende su mes cu e no tabatin otro manera como cu e otro tabata mas hobe y fuerte y ta cu pa casualidad e la hinkle na e lugar ei. E sentencia tabata dos luna di prison condicional mas fl. 600.— di boet.

FATUM — Tel.: 1845
Pa tur bo aseguronan

Castigo basta duro

Awor ta jega na turno R.D. cu a ataka e anciano ariba menciona. E R.D. aki den su 36 anja tin 27 sentencionan tras di lomba eaba pa motibu di burocheria publico, dos pa motibu di cende linear na candela y dos pa ladronia. "Bo conducta den un palabra ta un berguena", mr. Bondam ta bisa. "Nada stranjero cu e homber hieu C.D. tabatin miedo di bo."

Confirme e demanda D. a worde sentencia pa dos siman di prison. "Ainda

m'a sali basta bon", D. ta murmura ora cu e ta slof bai.

E la horta den Lago

E homber N.E. di 42 anja hini tur na blanco durante oktober di anja pasa a horta den Lago un pida lona usa eaba y un bleki di verf. "Semper bo a comporta bo decente. Con hini bo comete un error asina?" Riba esaki E. mes no por duna un spikacion.

Mr. Fliet, fiscal ta hanja cu ta teribel cu nan ta horta tantu asina na Lago. Considerando e strafregister di acusado e ta demanda dos siman di prison condicional mas un boet di f 150.—

Huez ta hasi esaki un boet di f 120.—

DESSATISFACCION DI GOBIERNO TURCO

ANKARA, 21 maart — E ministro Turco di asuntonan exterior, Zorlu, a jama e embahadornan di paisnan miembro di comunidad economico europeo, cerca dje un pa un, pa informa nan di e gran desatisfaccion di gobierno Turco tocante e actitud di e comunidad economico europeo respecto Turkia su peticion pa bira miembro di e comunidad.

A worde informa cu e discusionnan cu Grecia, pa e pais ey bira miembro di e comunidad, a progresa hopi mas leeuw, aunque cu Turkia, cual pais su economia ta casi igual na di Grecia, a pidi pa bira miembro di EEG na casi mesun tempu. Gobierno Turco ta considera e actitud di e EEG, un actitud di "discriminacion".



Producer di Television James H. Baker (na robez) y William Talman (na drechi) bon di arresto. Huntu cu nan ta C. R. Maddox, cu ta dispuesto pa paga un garantia pa nan hanja libertad.



Hobencianan deteni den e caso la inclui (di robez pa drechi) sra Peggy Flanagan, 31, sra Jean Donovan, 26, Lola DeWitt, 31.

„HAMILTON BERGER A PERDE 'TROBE' —

Un partida cu polisnan a descubri di algun hende, ta inclui siete persona desnudo celebrando fiesta den un cuarto, cu marihuana, a trece e dos escenanan aki riba na warda di polis na Los Angeles. „Cabesantenan" cu a worde arresta ta William Talman, 45, Hamilton Berger, un abogado den television cu semper ta perde su caso contra „Perry Mason" den un serie di T.V. E otro ta productor di television James H. Baker, 39 anja. Nue be persona a sali liber cu garantia deposita.

Sparta-Glasgow Rangers pa copa-Europa na Rotterdam



En stadion di Feijenoord-stadion na Rotterdam tabatin ultimamente torneo di futbol pa copa-Europa, e wegá Sparta-Glasgow Rangers. E portret aquí ta muntra un ataque dje bishitantenan riba goal di Sparta cu keeper Van Dijk.

Eleccionnan a cuminsa na Colombia

Logota, 21 maart — Ajera a cuminsa eleccionnan na Colombia pa pa eligi un camara di representanten, 15 conseho departamental y como 850 miembro di municipalidad. Como 6 million homber y muher dje 13,5 million habitantenan dje pais, tin derecho di vota.

Esaki ta prome bez cu tin votamen- desde cu un gobierno democratico a bin na poder na augustus 1958. Resultado dje eleccion ta sigur eba. E ta un convenio entre e dos parti-

Mgr. Dr. B. J. Alfrink a jega Roma

ROMA 21 maart — Mgr. Dr. B. J. Alfrink a jega Roma awe tardi. Pa e aña a un consistorio secreto, dje cual el lo worde eleva na cardinal.

Permiso pa prinses Margaret casa

LONDEN, 21 maart — Reina Elizabeth di Inglaterra a duna su permiso oficial dia 17 dje luna aki. pa su nan prinses Margaret, casa cu Antony Armstrong-Jones. Esaki tabata un resultado dje votamen- den parlamento tabata: 1.481 voto pro y 28 contra. E termino di funcion dje presidente lo dura 6 aña.

RECUERDO

Pa: V. HERNANDEZ

Hamas solo a brilla tan suave, ni murmurio di biento a canta su notanan musical tan dulce, den e blanchinan dje palmera cu tabata cubri nos bao di e dak di un cielu azul.

Cuanto cos nos a declara otro, y cuanto promesa nos a haci na otro?

Si poder tabata den nos mano; solo lo a para dia lo no tabatin fin y eternamente lo tabata nos union!

Sinembargo destino mester a sigui su curso.

Dianan a pasa sinannan a pasa lunanan a pasa ni un solo sinjal di bo aparicion! Pero ki un tristeza di a mira bo di ripiente bao "i, ala" di un otro pretendiente estrenando bo alteza y belleza envidiosa compadeciendo mi cu un mirada di desprecio.

M'a comprende mi error torpe tabata simplemente un rato di dhibertion! Pero recorda semper, cu bao e rigor di nos impulsanan, riba tur cos — m'a respecta bo honor. Curacao, 20-3-60

E ENCANTADORA YVONNE

pa TUYUCHI

No. 57

"Sigur ta friu el a cohe — esei n' a nada stranjo den e weer fastioso aki", el a murmura, mientras e tabata subi trapi pa bai na cuerto di su yiu Pero e enfermedad tabata mas grandi cu el a calcula. El a constata pulmonia. E mes a pone e mucha a- qui den su auto y a hibe hospital. Den e anjanan ei aird, no tabata existi e produccion moderno di sulphur. Cu tabata yuda un hende salud unbez foi un ataque di pulmonia y ora cu el a regresa cas trobe diripiente a dren- e y ansia dudoso. E ansia di mester a perde e ultimo propiedad aki cu a restre na mundo cu tabata su unico yiu homber.

E pensamentunan aki a hera di pone e dokter bira loco, peor ainda como e enfermedad mahoso aki a ta- que e yiu seriamente y cu tur su violencia. Y ora cu despues di a queda sem- nan den hospital na rand di abismo di morto y cu Frits a regresa cas com- pletamente restableci el a ser salud a- ya pa un otro tata cu esun indife- rente di antes, e homber cu semper tabata asina irita, nevroso, asina despachado y nunca no tabatin tempo pa muestra e mucha aki e carino cu e tabata sinti falta di dje foi despues di morto di su mama. Van Stuyveren a descubri conteni-

Interesante discurso na Merca di gobernador Leroy Collins

Jacksonville, Florida, 21 maart — Gobernador Leroy Collins dje estado Florida, na Merca, a bisa ajera noch den un discurs- o pa radio y television, cu e exigencia dje hendenan di color, cu nan mester ricibi mes trato cu e hendenan blancu den restau- rantnan publico, tin un base razonable.

Collins a anuncia, cu lo e nombra un comision mixto cu mester duna conseho den e asunto racial y el a pidi tur comunidad pa haci mescos.

E tekst, cu e gobernador a duna prensa prome cu el a tene e discursu, tabata bisa, cu restaurantnan cu no ta trata hendenan di color a base di

Promesa di lidernan ingles i Mericano na Israel

TEL AVIV, 21 maart — E lider- nan na Londen y Washington a primi- titi, cu nan lo duna ayuda importante riba tereno politico y economico, y tambe riba otro tereno, asina prome- ministro Ben Gurion di Israel a de- clarar na Londen pa e editor dje co- rant "Jedioth Aharonoth" di Tel Av- iv. E editor ta acompaña Ben Gu- rion durante su biahe pa Merca e In- glatera. Mi no por bisa cual promesa nan a haci riba e otro tereno aki, asina Ben Gurion a bisa. El a de- clarar cu e ta masha satisfeco cu e dis- cusionnan cu el a tene na Washington.

E corant ingles di diadomingo, "The Observer" a skirbi, cu el a wor- de informa den circulan cu tin con- tact estrecho cu ministerionan ingles di asuntunan exterior y defensa, cu Inglaterra tin intencion di duna Israel arma nan nobo, entre cual arma nan pa combati desorden aereo. Un porta- voz di ministerio ingles di asuntunan exterior a bisa cu tur cos cu worde skirbi tocante e asunto aki ta puramente speculativo. El a recorda, cu gobierno ingles ta di opinion cu no ta na beneficio di publico, pa anu- ncia si gobiernonan estranhero pidi arma na Inglaterra.

Dalai Lama ta bai biba na Dhamsala

NUEVA DELHI, 21 maart — E Dalai Lama di Tibet a acepta e pro- pposicion di gobiernu indio, pa e y su discipulonan bai biba na Dhamsala, parti noroeste di India; asina prome ministro Nehru a bisa prensa. E luga na unda e Dalai Lama ta biba, esta Mussoor, tabata solamen- te provisorio. Gobiernu indio mester a busca un ciudad semi-permanente na unda e Dalai Lama lo por biba. Gobiernu indio a scoge Dhamsala, pasobra tin algun kazerne ingles bieu ta para bashi aya.

Prome ministro di Italia a nenga di forma un gobierno nobo

ROMA, 21 maart — E prome mi- nistro italiano Antonio Segni a nenga awe di forma un gobierno nobo.

DEMONSTRACIONAN ANTI-AMERICANO DURANTE PERMANENCIA DI EISENHOWER NA PORTO RICO



Durante permanencia di President Eisenhower na Porto Rico demon- stracionnan anti-americo a tuma luga aya. E president mes no a sufrir ningun molestia dje irregularidadnan aki, pasobra el a pasa anochi riba base di fuerza aerea mericano na Ramey, na un orkesta di baril di zeta di personal di marina a ofrece un concert.

do nobo den su bida y ora cu Frits a bin crece na un hobon fuerte, nechi, atletico y cu un bon caracter, tran- quilo y cu algu di homber grandi den dje, dominando su mes problemanan y tambe cu e aspiracion di bira un bon dokter di cas despues pa e sigui e tradicion di su tata, e ora ei e dokter bieu su curazon a cuminsa ta yena di amor pa e yiu. Cada bez cu e mucha aki a haci algu di a veces cuqualquier wegá di deporte, e tata su orgullo no tabata conoce limite y e no por a ima- gine cu por tabatin un hobon mas formal y mas serio cu su yiu y e ta- bata loco di satisfaccion.

E yiu aki a pone lubida riba e an- janan di murmuracion y amargura cu e tabata pasendo antes pa motibo di desaparicion di su muhe.

Y awor ata el a hancu e recompen- sa. Tur cos a pasa bon sin hopi lu- cha. Mucho bon mes quizas. Ningun sortio di esfuerzo Frits no a haci. Al- contrario como tres seman largu su pensamentu tabata enteramente na o- tro cos cu na su lesnan, sinembargo el a pasa su examen cu un exito y

un siguranza admirable, como si fue- ra ta dokter e tabata eba. Aunque cu su yiu tabata papia cu asina tantu tranquilidad, aunque cu e tabata asina animo cu motibo dje resultado di su examen, sinembargo tabatin tambe un reservacion den dje, loque tabata intranquiliza e tata. Y awor e tata tabata desca pa cu su ha- mas e muhe stranjo ei lo por a apa- recee den bida di su yiu.

Na un manera calmo Frits a conta su tata e participacionnan cu el a- hancu di Yvonne cerca e tata anciano y e relato dje proceso cu el a leza den corantnan dje tempu aya. Y e ta- ta a mira cu e yiu "tabata un poco de- sespera.

Sinembargo Frits no a conta e tata di su plannan pa porvenir. E no a bisa cu awor cu el a hancu sa ta quen- de ta fama dje mucha muhe aki cu lo e handone pa semper.

Wel tabata berdad cu e tata a han- ga algun dia pasa un Lydia nervioso, quende cu un mescla di orgullo y un verdiet meramente scondi, a bin in-

di parti e frutanan pa e habitantenan dje isla. E frutanan a worde hanja for dje paluan di fruta, cu ta para riba tereno dje base mericano. Tur institucion di ciudad na Tri- nidad a protesta fuertemente contra e decision aki dje ministro. Nan a bisa cu e decision ta inhumano.

Dr. W. Drees a bai bishita Israel

TEL AVIV, 21 maart — Dr. W. Drees, ex-preme ministro di Hulanda, a yega Israel awe, pa cuminsa un bishita di 14 dia na e pais, como huesped di gobiernu israelita y e parti- dolo socialista Mapai di Israel.

Dr. Drees y su esposa a worde ricibi na aeropuerto di Lydda, pa entre otro e ministro israelita di asuntunan ex- terior, sra. Golda Meir.

Dr. Drees lo bishita na Israel en- tre otro e pueblo Buchenwald, cu a worde jama asina pa e campo ulema- ni de concentracion, den cual e mes a keda durante guerra. Y e pueblo Sdeh Nehemiah, cu a worde establece door di inmigrantenan judio di Hulanda.

Chou En Lai lo bishita India na april

NUEVA DELHI, 21 maart — Pro- me ministro Nehru di India a anun- cia awe, cu prome ministro Chou En Lai di China Comunista lo bishita Nueva Delhi, India, fir di dia 19 te dia 25 di april.

Manera ta conoci Chou En Lai a acepta un invitacion di Nehru luna pasa, pa bai Nueva Delhi, pa discu- ti e conflicto na frontera entre Chi- na y India.

Gates cu Strauss den discusion na Bonn

BONN, 21 maart — E ministerio mericano di defensa, Gates, tabatin un discusion awe na Bonn, Alemania Occidental, cu su colega, aleman occi- dental, Strauss. E discusion tabata trata di problemnan di Pacto Atlan- tico y particularmente e deseo di A- lemania Occidental, pa e problema dje basenan pa exercito aleman occiden- tal, worde discuti den Pacto Atlan- tico.

TABATIN SUBMARINO ESTRANHERO

WASHINGTON, 21 maart — Awe ma- inta departamentu mericano di marina a publica un comunicado bisando, cu capitan Pitts, kende a dirigi e mision mericano den Golfo Nuevo, na Argen- tina, ta di opinion cu tabatin un sub- marino estranhero en berdad den Golfo Nuevo.

HOLMAN-VAN EERDEN

Contratista - Emballador
Tel. 1595 - 1199
CONSTRUCCION
RECONSTRUCCION
REPARACION

HBU

Neem de HBU
het bevalt U

HOLLANDSCHE BANK-UNIE N.V.

WILLEMSTAD - TELEFOON 11346
CURAÇE - TELEFOON 1200
SAN NICOLAS - TELEFOON 5090

"MOSAICOS GENNY"

Mihor Calidad
Tarabana - Aruba

forma demas informacion cu motibo di un carta cu el a ricibi di Frits a quibra nan relacion amoroso aunque cu nunca esaki no tabata oficial tampoco.

Ainda esaki no tabata un motibo pa saca foi dje e conclusion cu lo e sigui masha tras di e mucha muhe cu e no por alcanza y cu ya e ta na altura di pasado di su familia. Sinem- bargo door dje encuentro entre e cu Yvonne el a bin conce su mes cu su sintimentunan na tabata ainda basta profundo pa Lydia.

Sinembargo te ainda e tata no ta- bata sinti su mes tranquilo, pasobra e no por a figure quico lo a bin ser resultado di tur e asunto aki pa por- venir di su yiu.

E tabata hanja Lydia un mucha mu- be balente, fresco, saludable y carin- joso — nan tabata pas asina tantu cu otro.

Nan tur dos tabata stima e sitio na unda nan tabata biba. Nan tabatin e mes observacionnan deportivo y ade-

Agenda

ARUBAANSE COURANT

diariamente cu excepcion di diadomingo

N.V. ARUBAANSE DRUKKERIJ, L. V. UITVERERS, EN PUBLICITEITS MIJ
Nassaustraat 85 - U.S.T. Aruba N.A.

Suscripcion / 3 - paga adelanta
Edicion suena 20 ct

Telefon:
4116 Directiva y anuncio
2116 Redaccion y suscripcion

Directeur-hoofdredacteur: G. J. Staartjes

Imprint na N.V. Drukkerij "De Stead"

BOTICANAN DI WADA

Oranjestad: BOTICA ODUBEL, tel. 1790
San Nicolas: BOTICA SAN LUCAS, tel. 5110

WIT-GELE KRUIS

Zr. Ewald - Zr. Perpetua, tel. 2800

JEUGDCENTRALE "LA SALLE"

Dinsdag 22 maart 1960
Sint Jozefschool Estrada (Santa Cruz):
5 p.m. Voetbaltraining.
Trippel: 3.15 p.m. Zangles Junioren

POSTSLUITINGEN

Dinsdag

Caracas 15.30, Curacao 10.00-10.00, Ma-
rta 15.30, New York 8.00, Suriname
16.00.

TAORO-GUYABA juice

RADIO KELKBOOM

Diamars 22 di maart

11.30 Musica varia
12.00 Lunchmuziek
12.10 Noticias locales
12.25 Nieuwsberichten
12.45 Notie Americana
12.55 News in dutshell
13.00 Musica varia
1.30 Fin di transmision.
4.00 Rancheras
4.30 Noticias na Pap. (Inkaal-pols y dep)
4.45 Cocktail musical
5.00 Danzones cubanos
5.15 Alfredo Sadel
5.30 Hermanas Benitez
5.45 Calypso
6.00 Programa di Nutricia
6.15 Cumbie anjos feliz
6.30 Dinnermuziek
6.45 Voorlichtingsdienst
7.00 Noticias na Pap.
7.15 Musica varia
7.30 Musica Hulandes
7.45 Nieuwsberichten
8.00 Taoroguyaba aangeb. door Aruba
Bockhandel
8.15 Lagrimas de una madre
8.30 Musica varia
9.00 Julio Jaramillo
9.15 Luchito Gatica
9.30 Petitioner
10.00 Sluiting.

VOZ DI ARUBA

Diamars 22 di maart

06.00 Apertura
06.03 Nos oracion di mainta
06.05 Dushi amaneecer na Aruba
(Semi-classic music)
06.15 Viana Auto Supply Co. brings you
"News in English" C. P. J. Celaire
06.30 Popular Instrumental Melodies
06.45 Mafian Antillanas
07.00 Canciones di amor dedica na oyente-
nan na exterior
07.30 Aruba Trading Co. ta presenta
"Saudes Musical di Limaco"
o.l.v. Adriaan Arends L.
07.45 Musica Hulandes
08.15 Popular American Melodies
08.30 Viana Auto Supply Co. brings you
"News in English" C. P. J. Celaire
08.45 Ecos di Madrid
09.00 Cantares de España
09.15 E artista di siman a cargo di
Alfredo Sadel
09.30 Naciones Unidas presenta la serie de
la red que se extiende
"Carta de Paris no. 21"
09.45 E orquesta di awe a cargo di
Luis Arcaya
10.00 Colgate-Palmolive presenta su novela
"La Desembarada"
10.30 Fuente Musical
11.00 Melodias Populares
11.15 Mambo, merengues y merecumbes
11.30 Popular American Melodies
11.45 Melodias Instrumental
12.00 Muziek uit Nederland
12.15 Mercurius Trading bledt U
"Nieuws in het Norderlands"
o.l.v. Jos v.d. Schoot
12.30 Selection musical di merdia
12.45 Melodias Latino-Americano
13.00 Viana Auto Supply Co. ta ofrece
"Mundo en marcha"
o.l.v. Adriaan Arends L.
13.15 Nita Antillanas
13.30 Meico canta en su radio
13.40 Proctor & Gamble presenta su novela
"La mujer que compro el amor"
14.00 Spritzer & Fuhmann ta presenta
"Bo concierto diario"
o.l.v. Adriaan Arends L.
15.30 Selection di musica popular
16.00 Mercurius Trading Co. ta presenta
"Complacencias y dedicaciones"
17.00 Felicitando nos oyentenan
18.00 Complacendo peticones di nos oyen-
tanan na exterior
18.30 "Ban participa den ganashi di La
Esperanza" o.l.v. A. Croes
18.45 "Mundo en marcha"
o.l.v. Adriaan Arends L.
20.15 Exitos de Alfredo Sadel
20.30 Colgate-Palmolive presenta su novela
"La culpa de los padres"
o.l.v. C. P. J. Celaire
21.00 "V.O.A. Listeners' Choice"
21.55 Our Night Prayer
22.00 Closing

RADIO VICTORIA

Diamars 22 di maart

11.00 Apertura
11.15 Novela Pristiana
11.30 Melodias di Merdia
12.00 Noticias
12.15 Musica Sagrada
12.30 World News
12.45 Organ Memories
1.00 Radio Concert Hall
2.00 The Reading Room
2.15 Sacred Songs
2.30 The Quiet Hour
2.45 Kruisweg Musicales
3.15 Melodias del Alma
3.30 Adelante Juvenil
4.00 Musica di Banda
4.15 Ecoman Celestial
4.30 Cafe con Musica
4.45 Waltznan Favorito
5.00 Academia del Aire
5.15 Palabrasan di Bida
5.30 Interludio Musical
6.00 Noticias
6.15 Naciones Unidas
6.30 Noticias Hulandes
6.40 Musica Clasic
7.15 The Bandstand
7.30 The Lingo Hour
8.00 World News
8.10 Off the Record
8.30 Back to the Bible
9.00 Musical Gems
9.30 Bible Time
10.00 World News
10.15 When Day is Done
10.30 Sign Off

RADIO CARACAS TELEVISION

Martes 22 de marzo

9.55 Patron de Radio Caracas Television
9.57 Informacion sobre los programas
del dia
10.00 El Calendario de Mama
10.30 Cosas de Mujeres
11.15 Cortos cinematograficos
12.00 Gran Show de las 12
1.15 su novela Pa'vorita
1.30 El Imparcial TV
2.00 Cortos
2.30 Club Femenino
3.00 Por el Ojo de la Cerradura
4.00 Estudio de e Director Monteverde
4.30 Club de los nietos
6.00 El Show de Renny
7.15 El "Tercer Hombre"
7.30 No Diga Si, No Diga No.
8.00 El Observador Creole
8.15 El Precio de la Vida
8.30 Suspense con Alfred Hitchcock
9.00 La novela Canay
9.15 Anador Bendayan en television
9.20 Documentales
10.30 00:00 programa
12.00 Patron Radio Caracas Television.
Despedida.

THE BEST 1960 CAR "MOTOR LIFE" READERS SELECTED

FORD

AS THE BEST CAR FOR '60

PLACE	CAR	% OF VOTE
1	FORD	19%
2	RAMBLER	12%
3	CHRYSLER	8%
4	DODGE & DART	7.2%
5	FALCON	5.3%
6	CORVAIR	5%
7	LARK	5%
8	PLYMOUTH	5%
9	VALIANT	4.3%
10	THUNDERBIRD	3.8%
11	PONTIAC	3.6%
12	MERCURY	3.3%
13	CHEVROLET	3%
14	DE SOTO	3%
15	HAWK	2.8%
16	AMERICAN	1.9%
17	CORVETTE	1.4%
18	LINCOLN	1.4%
19	IMPERIAL	1.1%
20	OLDSMOBILE	1.1%
21	BUICK	0.5%
22	CADILLAC	0.0%

Statistic taken from "Motor Life" of March 1960. "Motor Life" is an independent automagazine in the U.S.

Ford won with its

STYLING

and PERFORMANCE

For you too, there's a

FORD

at NEME IMPORT-EXPORT CO.

EL CISCO KID

1. „Mi a firma, awor lagami bai.” „Ainda no, pasobra e ora bo bai cerea e sheriff y denueia nos.” 2. „Mi no ta haci. Ningun hende lo mira mas aki banda.” „Bo ta sigur, no.” 3. „Lagami bai, awor, manera bo a priminti.” „Bo ta bai lague ey den?” „Si.”



JUAN EL INTREPIDO

1. „Manera mi a bisa boso eba, e lancha ta bai masha rapido. Solamente un guardacosta por jaguele.” „Wel, anto nos ta bai avisa e servicio di guardacosta. Adan. Nos mester taha Ordway.” 2. „No, Juan. Ordway tin Sabina... si e guardacosta aparece... anto e por...” „Bo tin razon. E riesgo ta grandi... kiko nos haci anto?” 3. „Ah, ya mi sabi. E avion alla... nos por bai euncla... y despues nos ta duna e explicacion.”



DICK TRACY

1. „Fragments of Hawaiian history” pa John Papa II? Si, mi a jega di tende di dje.” 2. „Riba e kafi di e hocki tin un Dios graba den palu. Chief Liu.” „Y nos kier sabi kiko esei kier meen.” 3. „Wardami un rato y lo mi bisabo. Mi ta bai manda busea un boeki asina mes ora na e museum.” 4. „Lo mi jama bo back den mei ora.” „Danki, chief.”



RIP KIRBY

1. „Cuidao Desmond, ata nos ekipahe ta bini.” 2. „Nos no kier djaka abordo.” „Nan ta bai hoga?” „No, djaka sa landa bon.”



EL PRECIO DEL TRIUNFO

1. „Quico...” Tin un dama aki eu nan ta jama Creel. Lo mi tabata quier a papia euncla.” 2. „Quen abo ta?” „Lo mi bisale, y lo mi quier pa bo a invita mi pasa como amigo.” 3. „Sr. Saxon! Quico bo ta haei aki?” Bo conoele, Ava? Bien, hoben bo por drenta como amigo!”




EL DIARIO DE UNA VIDA

1. „Cu si mi ta stima bo tata bastante pa resto di mi vida?” „Esey mi ta puntra bo.” 2. „Si...” 3. „Cunele so, y no cunele y su ambicion politica!... Ya su ambicion politica!... Ya mi ta comprende cu aki mi ta di mas...”



PEPITA

1. „Mi tin dos minuut pa alcanza e bus!” 2. „Hala un banda. Horte, of lo mi perde bus!” 3. CRASH 4. „E mester a socede tarde of tempran!”



Van Rie na Hulanda....



E marconista Van Rie i su esposa a yega aerodromo di Schiphol. Di parti izquierda dje pareja, e mama di Senjora Van Rie; derecho: e mama di Sr. Van Rie i para e tata di Sr. Van Rie.


Petrona & Croes
Dakota - tel. 1712-1639
Pa tur sorto di material
pa verf

SAGITARIUSNAN
23 November — 21 December




Trata na mantene bo recibonan na equilibrio. Bu la pipa pa hendenan caprichoso.

CAPRICORNUSNAN
22 December — 20 Januari




Bai segun tempu ta bai. No entrega bo mes na simintunanan abati do, pero busca amistad.

ACUARIUSNAN
21 Januari — 19 Februari



Luna ta aumenta bo mes vitalidad den bo mes senjal. Bo ta desea di bai dilanti cu bo plan amoroso.

PESES
20 Februari — 20 Maart



Ta manera cu e periodo aqui ta di interes pa bo interes social. Queda bo calmo y evita gasto.

Anuncio di „Belock Instrument Corporation”

NEW YORK, 21 maart. — „Belock Instrument Corporation” a anuncia cu el a busca un grupo di profesor naci na Alemania, pa para na cabez di un compania pa biahenan den espacio, na Huntsville, Alabama.
E compania aki lo investiga, desarrollo y fabrica aparatonan cu control dirigible y vehiculonan di espacio.
E lider dje grupo lo ta dr. Frederick K. Mueller, ex-director interio dje laboratorio di ehercito pa control dirigible na Huntsville.

HOROSCOOP

ARIESNAN
21 Maart — 20 April



Quizas cu awe esnan di bo maha cu un otro. Sin embargo no preocupa. Evita tur dificultad.

TAURISNAN
21 April — 21 Mei



Contacto cu otronan por ta na fabor di bo empresa y bo mes. Corda cumpli cu bo debernan.

GEMINENAN
22 Mei — 21 Junl



Tene cuidao cu amigo ora cu ta bai over di bo cartera. Domina bo pa bo no dispidi placa.

CANCERNAN
22 Junl — 23 Jull



Un aspecto di cuadro ta invita bo na cuida bo financia. Cuidao cu recibo y cuenta nan atraza.

LEONAN
24 Jull — 23 Augustus



Un aspecto cuadro di Solo Jupiter lo pone bo vigila contra optimismo exagera y propio confianza.

VIRGONAN
24 Augustus — 23 September




Ora ta trata riba asuntunan di trabao of di salud, percura usa bo sinti. Trata di yuda otronan.

LIBRANAN
24 September — 23 October



Gran libertad pa ocupa bo cu objetonan queri. Caminda robez lo ta perhuicion pa bo financia.

SCORPIONAN
24 October — 22 November



Spera tur cos bon di personanan queri. Esfuerzonan personal ta ser corona. Tene cuenta cu gasto.

— EEL RIVER A DESBORDA —



Ed Schultz pasando den awa pa entrega carta na Kentfield. E awa tabata mas cu 5 pla baltu den e barrio aqni.



Un bista di e inundacion. Cantidad di hende a perde nan bienes.